




Wie Siyrit
ze Wormez inbotsheste fuor.

IX. Auenture.

Do si gevarn warn. vollen niwen tage.
do sprach der chone Hagene. nu merchet was ih sage.
ir spomt ouch mit den mären. ze Wormeze an den Rin.
die iwern boten solden. nu zen Burgonden sin.



Do sprach der kunich Gunther. ir habt mir recht geseit.
nw bereitet ioch zer verte. ritter vil gemeit.
wande wir indisen ziten. ander niemen han.
der dar moege geriten. do sprach der obermvete man.

Nw wizzet lieber herre. ine bin niht bote gvot.
ich wil ioch eins bewisen. der ez doch gerne tvot.
Sivrit den chonen. solt ir iz niht verdagen.
durch iwer swester liebe. getarrerez iw nimmer versagen.


Er sande nach dem rechen. der herre chom zehant.
er sprach sit daz wir nahen. heim in miniv lant.
so solde ich boten senden. der lieben swester min.
vnt oveh miner mvoter. daz wir nw nahen an den Rin.

Des bitte ich ioch her Sivrit. daz ir die reise tvot.
daz ez mit mir verdiene. div edel maget gvot.
mit allen minen frivonden. ritter vil gemeit.
do sprach der degen chone. der reise bin ich iw bereit.

Nw enbietet swaz ir welle. des wirdet niht verdaget.
durch die vil minneklichen. so wirt ez gar gesaget.
zwiw solde ih dir verzihen. die ich in hercen han.
swaz ir durch si gebietet. daz ist alles getan.

So sagt miner mvoter. vnt oveh der swester min.
daz wir an dirre verte. inhochem mvote sin.
lat wizzen mine brveder. wie wir erworben han.
vnt ander unser frivonde. sol man div mare oveh horen lan.

Chriemhilde vnt mine mvoter. solt ir niht verdagen.
min vnt Prunhilt dieneft. solt ir in beiden sagen.
vnt allem ir gefinde. vnt allen minen man.
dar nach ie ranc min herce. wie wol ich daz erworben han.



Vnt sagt och minen brudern. vnt andern frivnden min.
daz si mit grozem vlize. dar zu gewarnt sin.
vnt sol in vnsern landen. div märe wizen lan.
ich wil mit Prvnhilde. vil groze hochgerite han.

Vnt bitet mine swester. so si daz habe vernomen.
daz ich mit minen gesten. si zelande chomen.
daz si mit vlize empfahe. die trotinne min.
daz wil immer mere. mit triwen dienende sin.


Do der vil chone reche. vrlouy von im genam.
vnt och von Prvnhilde. der ritter lobesam.
reit ingrozen freuden. ze Wormeze an den Rin.
ez enchunde in allen landen. ein bote bezer niht gesin.

Mit vier vnt zweizech rechen. ze Wormeze er do reit.
des chvniges chom er ane. do daz wart geseit.
alles daz gedigene. vor iamer heten not.
si vorhten daz ir herre. dort beliben wäre tot.

Die helde erbeizet waren. vil hohe stvont ir mvot.
vil sehier in chomen beide. die iunge kvnige gvot.
vnt al daz hofe gesunde. der herre Gernot sprach.
do er sinen bruder. niht bi Sivride ensach.

Willechomen ritter edele. ir sult vns hören lan.
wair minen bruder. den kunic habt verlan.
div Prvnhilde sterche. in wän vns hat benomen.
so ist vns ir hohio minne. harte schedelich chomen.

Iv edeln rechen beiden. vnt al den magen sin.
enbiotet sinen dienest. der hergeselle min.
den liez ih wol gefunden. er hat mich her gesant.
zeboten mit den mären. daz ich iv div tate bekant.



Ir solt das ahten schiere. swie so das geschehe.
das ich iwer mvoter. vnt iwer swester sehe.
die sol ich lazen horen. was in enboten hat.
Gunther der chonic riche. des dinch inhohen eren stat.

Do sprach der iwngc Gifelher. da solt ir dar gan.
da habt ir miner mvoter. vil liebe an getan.
div hat doch michel sorge. vmbe den brvoder min.
si sehent iwch beide gerne. des solt ir gar ane angest sin.


Do sprach der herre Sivrit. swaz ich in dienen chan.
das sol vil willechlichen. mit triwen sin getan.
wer sagt nu den frowen. das ich wil dar gan.
das twon ich sprach do Gifelher. der vil wätlich man.

Der stolze chvone reche. zu siner mvoter sprach.
vnt ovch zu siner swester. da er si beide sach.
vns ist chomen Sivrit. der helt zu Niderlant.
in hat min brvoder Gunther. ze Kine her von im gesant.

Er bringet vns div märe. wiez vmben chunich ste.
nu solt ir im erloben. das er zehove ge.
er bringet div rehten märe. her von Islant.
noch was den edelen frowen. vil michel sorgen bechant.

Si sprongen nach ir wäte. do leiten si sich an.
si baten Sivride. do hin zehove gan.
das tet er willechliche. wand er si gerne sach.
Chriemhilt div vil schone. zu zim do guetlichen sprach.

Sit willechomen herre Sivrit. ritter lobelich.
war ist chomen min brvoder. Gunther der kunie rich.
von Pronhilde sterche. den wän wir haben verlorn.
owe mir armen meide. das ih danne ie wart geborn.



Do sprach der ritter chvone. no gebt mir boten brot.
ir edeln ivncfrowen. ir wänet ane not.
ich liez in wol gefunden. daz ton ich iv bechant.
er vnt div schone Prvnhilt. hant mich iv beiden her gesant.

Si enbietet iv ir dieneft. mit triven in daz lant.
vil richiv kuniginne. daz tvon ih iv bechant.
no lazet iwer weinen. si wellent schiere chomen.
sine het inlangen citen. so lieber märe niht vernomen.


Mit sne blanchen geren. ir ovgen wolgetan.
wischte si nah trehenen. danchen si began.
dem boten dirre wære. div ir da waren chomen.
do was ir michel tvoren. vnt oveh ir weinen benomen.

Den boten bat man sizzen. des was er bereit.
do sprach div ivncfrowe. mir wære niht ze leit.
ob ich zeboten miete. iv folde gebn min golt.
dar zo sit ir zeriche. ich wil iv svz immer wesn holt.

Ob ich no eine hete. sprach er drizzech lant.
so enpfinge ich doch vil gerne. gabe v3 iwer hant.
do sprach div minnekliche. no sol ez sin getan.
si hiez ir kameräre. nach der boten miete gan.

Vier vnt zweinzech povge. mit gesteine goot.
die gab si im zemiete. do stont also sin mvot.
ern woldes niht behalden. er gab ez sa zehant.
ir nehstem ingesinde. die er zer chemenaten vant.

Ir moter bot ir dieneft. in gotlichen an.
ich sol iv sagen mere. sprach do der chvone man.
wes ivch der kunich bitet. svenner no chymet her.
daz weller immer dienen. daz ir leistet sinen ger.



Die sine richen geste. bitet er ouch wol enpfan.
des manter iwer vil sere. irn solt des ouch niht lan.
irn ritet im zegegene. for Wormez of den sant.
des sit ir von dem kunige. mit grosen triwen gemant.

Do sprach div minnekliche. des bin ich vil bereit.
swaz ich im kan gedienen. das ist im unverseit.
in vrvntlichen triwen. so sol ez sin getan.
do merte sich ir varwe. die si vor liebe do gewan.


Ez enwart nie bote enpfangen. deheines forsten baz.
getorste si in chossen. div frowe tate das.
wie rehte minnekliche. er von den frowen schiet.
do taten Burgonden. als in Sivrit do geriet.

Sindolt vnt Honolt. vnt Romolt der degen.
die wusen vil unnuoze. zu den citen pflegen.
rihten das gesidele. als in das was bechant.
des kuniges ambetlote. man do mit arebeiten vant.

Ortwin vnt Gere. des richen koniges man.
die fanden allenthalben. nach den frivnden dan.
vnt chvnten in die hochgecite. div da solde sin.
da bereiten sich engegene. div vil schonen magedin.

Der palas vnt die wende. was alle; vberal.
gezieret gegen den gesten. der Gunthers sal.
wart vil wol bezimbert. durch manigen vrenden man.
div selbe groze hochgesite. huop vil vrolichen an.

Do riten allenthalben. die wege durch das lant.
der drier kunige mage. die het man besant.
das si den solden warten. di in da wolden chomen.
do wart v; den chiften. richer wate vil genomen.



Do sagt man div märe. daz man nu riten sach.
den chvnich mit sinen gesten. do hvoop sich vngemach.
von des volches chresten. in Burgonden lant.
hey was man sneller degene. bi frowen Pronhilde vant.

Do sprach div schone Chriemhilt. ir miniv mägedin.
di an dem antpfange. mit mir wellen sin.
die swochen v3 den chisten. div aller besten chleit.
die si moogen finden. daz si den frowen och geseit.


Do chomen och die rechen. die hiezen tragen dar.
die herlichen sätele. nach rotem golde var.
die frowen solden riten. ze Wormeze an den Rin.
bezir pferit gereite. chvnde ninder gesin.

Hey was da lichtetes goldes. von den moren schein.
och lagen an den zoomen. vil manic edel stein.
die goldinen schemil. ob lichten pfellen goot.
braht man dar den frowen. si waren hohgemvot.

Begortet mit den siden. vil schön vnt starch.
braht man den frowen. vil winneklichiv march.
div richen forbvege. sach man div more tragen.
von den besten siden. da von iv iemen chvnde sagen.

Sehs vnt ahzech frowen. hiez man chomen dan.
die gebende tvrogen. 3v Chriemhilde stan.
chomen di vil schonen. vnt heten lichtiv chleit.
do wart och wol gesieret. vil manich minneklichiv mit.

Fonfzech vnt viere. von Burgonden lant.
so waren ez die beste. die man zehove vant.
di sah man vale vahse. vnder lichten porten gan.
des Gvnther an si gerte. daz wart mit vli3e getan.



Von lichten richen pfellen. verre vor heiden lant.
si trogen vor den gesten. so manic goot gewant.
daz ir genvoge schöne. ze rehte wol gesam.
er wäre in swachem moote. der ir deheiner wäre gram.

Von zobel vnt ovch von harme. vil chleider man da vant.
da wart vil wol gezieret. manic arm vnt hant.
mit bougen ob den siden. die si da solden tragen.
iv enchynde disse vlihen. zende niemen gesagen.

Vil manigen gortel spähen. goot vnt lanch.
ober vil richiv kleider. manic wisiv hant do swanch.
ober roche Ferrans. vnt pfelle v3 Arabin.
daz si in al der werlde. bezzer nimmer chynnen sin.

Ez wart in fver gespenge. manic schoniv mit.
genät vil minnekliche. ez möht ir wesen leit.
der ir vil liehtiv varwe. niht wohte gegen der wat.
so schones ingefindes. nu niht kuniges chynne hat.

Do die vil minneklichen. nu trogen ir gewant.
di si da svren solden. die chomen al zehant.
der hochgemoten rechen. ein vil michel chraft.
man trog ovch dar mit schilden. vil manigen effschinen schaft.